

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea  
Obtinenda Requisitis ...

**Leuren, Peter**

**Coloniæ Agrippinæ, 1704**

253. An pro obtainenda dignitate, cui annexus est talis gradus, necesse sit  
hunc esse obtentum in publica universitate studii generalis.

---

[urn:nbn:de:hbz:466:1-74477](#)

convenit Archidiacono Barb. ad cit. c. 12. Trident. Menoch. de arbit. casu 425. n. 42. eò quod concilium non respexit nomen Archidiaconi, sed officium, potestatem & jurisdictionem.

**R**espondeo quinto: ad Canonicatum Cathedralem, cui annexus est poenitentiarius. Trident. *seff. 24. c. 8.* quamvis & ibi dicatur posse esse non graduatum, qui aptior pro loci qualitate reperiatur. vide Castrop. loc. cit. n. 17. Nequaquam autem ad decanatum requiri illum gradum tanquam resolutum à S. Congregat. tradit Garc. n. 43. Castrop. n. 16. Barb. de can. c. 7. de off. Ep. alleg. 80. nu. 81. Item non ad principalem dignitatem iu Ecclesia collegia exempta, cui ordinaria jurisdictione cum omnibus iuribus quasi Episcopilibus competit. Castrop. num. 14. Garc. num. 32. Trident. enim cit. c. 12. loquens de dignitatibus non præcipit, sed hortatur solum, ut graduatus conferantur Barbus. ad cit. c. 12. n. 15. & de can. c. 2. n. 20. ut etiam hortatur solum, ut in provinciis, ubi commode fieri potest, dignitates omnes, & saltem dimidia pars Canonicatum in Cathedralibus & Collegiatis insignibus conferantur graduatis. Garc. loc. cit. n. 44. Lott. l. 1. q. 15. à n. 1. ubi etiam, quæ sit Collegiata insignis. Unde jam inferitur primo, quod si hujusmodi dignitates ignorari & indectis conferantur, id prouersus esse contramentem Papæ, qui sicuti novit Ecclesiam, egere hominibus literatis, non asinus ferratis ut Joannes Monach. & Prob. in c. cum ex eo, de Elec. in 6. ita nihil non molitur, ne istiusmodi ignorari provideatur de dignitatibus illis, & hinc qui fraudem huic sancta menti Pontificis faciunt, aut ad cooperantur, peccent mortaliter. Lott. l. 3. q. 7. à n. 45. citans Navar. in man. in miscellan. de orat. nu. 66. nec excusaretur quis prætextu Magisterii seu Doctoratus, aut Licentiatu, si is gradus sine scientia per fraudem fuisse extortus, aut procuratus, cum adhuc fiat fraus dictæ menti Papa. Lott. n. 49. eò quod quamvis gradus talis exigatur ad speciem decoris ipsius Ecclesiæ, magis tamen spectetur ipsius Ecclesiæ utilitas, qua non tantum consistit in illa specie, quam in re ipsa, ut nimis persona ad dignitates hujusmodi promovenda re ipsa sit literata, valdeque docta. Lott. n. 50. & 51. Inferatur secundo pro obtinendis istiusmodi dignitatibus non sufficere qualemcumque etiam scientiam, aut in Theologia aut in jure can. nisi concurrat gradus re ipsa collatus, cum utrumque, nempe scientia & gradus simul requirantur Lott. n. 54. citans Gonz. Gl. 13. n. 100.

**Q**uestio 253. An pro capacitatem persona in ordine ad obtinendum ejusmodi dignitates, quibus annexus talis gradus, necessit, hunc esse obtinendum in publica Universitate studii generalis?

**R**espondeo affirmativè. Lott. cit. q. 7. nu. 123. satis enim hac circumstantia explicatur per Extrav. Pii V. de anno 1566. 1. Junii, quæ in Bullario est Constatutio 60, istius Pontificis, per quam omnia privilegia & induita Comitibus Palatinis, & quibusvis Officialibus Curia Romana, collegiis aliis-ve personis, cuiuscunque statu, gradu, ordinis & præminentia, ad Doctoratus, Licentia, Magisterii gradus promovendi per quoescunque Pontifices prædecessores suos, ac etiam per seipsum, etiam motu proprio, dèque certa scientia, & potestatis plenitudine quomodolibet concessa, confirmata,

P. Leuren. Fort. Benef. Pars I.

ta, & innovata auctoritate Apostolica, perpetuo revocavit, cessavit, & annullavit, ac decretis Tridentini inhærendo decrevit, & declaravit, eos qui à præfatis personis promoti fuerint, quoad dignitates aliisque beneficia Ecclesiastica nullâ gradu prærogativâ frui & gaudere posse, vel debere, cum clausula: *sublata*, & decreto irritante & amplissima derogatione obstantium, adiectâ etiam ratione, quia intellexerat hujusmodi indulta, quā plurimos tam laicos, quām Clericos tam in jure civili, quām Canon. & Theologia nullo aut non debiro examine prævio indoctos & inhabiles promovisse Doctores & Magistros, ut ad dignitates aliave beneficia faciliter assumerent in animarum suarum iacturam, & pluit scandalum. Atque ita dum Papa in hac Constitutione sua se refert adhære decretis Trident. utique indicat Concilium *seff. 24. c. 12.* ubi pro obtinendis istis dignitatibus exigit Magisterium, Doctoratum, aut Licentiatu, intellectu de Magisterio, Doctoratu, &c. collatis in publica Universitate studii generalis, non autem intra privatos parientes. Neque verisimile est Concilium intellectu de graduatis extra publicas Universitates, dum in his presumunt doctrinæ defectus. Lott. à num. 124. citans pro hoc postremo Felin. in cap. per tuos de major. & obed. Porro idem multò magis dicendum de graduatis ab indultario aliquo Cæsar, vel etiam ab ipso net Cæsare; non solum quia respectu facultatis Theologicae, & juris canon. (quas duntaxat Concilium & Papa considerat) deficit illius auctoritas, ut Felin. loc. cit. n. 3. sed quia quos Papa inhabilitat in materia sibi subjecta, non potest Cæsar habilitare. Lott. num. 121. Ratio autem cur requiratur gradus in publica Universitate obtentus, hæc est; quod cùm idèo gradus exigatur in istis dignitatibus, aliisve beneficiis, ut digna dignis conferantur. Dignitas autem persona ad beneficia Ecclesiastica altimetitur ex moribus & scientia, aliisque qualitatibus, hæc omnia certius meliusque excoquuntur, & rimentur, priusquam gradus in Universitate conferatur, quam dum alibi intra privatos parientes promoveruntur. Lott. num. 158. & seq. fuse.

**Q**uestio 254. An valeat adeptio beneficij, vel dignitatis requirentis gradum, si is habeat sine competente scientia; vel etiam si is collatus sit contra formam statutorum Academiae, in qua suscepimus est?

**R**espondeo ad primum affirmativè. Garc. loc. cit. num. 50. Castrop. loc. cit. num. 19. Azor. loc. cit. c. 6. q. 1. Barb. de Can. c. 26. num. 9. quia talis est verè graduatus, licet indignè, & gaudet privilegiis graduatorum AA. idem. Unde etiam vi legis positivæ v. g. Concilii Trident. aut vi specialis statuti alicujus Ecclesiæ requirentis tales gradum, talis provisio non foret irritanda, quia lex ita verè impleta esset; quidquid sit de eo, quid factendum esset vi legis divinitæ, requirentis in tali ministro Ecclesiæ scientiam sufficientem ad prudenter exercendum officium, qua per talem indocti promotionem impleta non esset. Pass. num. 36.

**2.** Respondeo ad secundum: si gradus susceptus contra statuta sit ipso jure nullus (qualis v. g. erit, si receptus sine prævia professione fidei contra Constit. 112. Pii IV. ubi ea recepta est) promotio ad beneficium requirens illum erit nulla ipso facto, vel jure irritanda, prout statutum, promotionem sine gradu esse irritam, vel irritandam, sunt enim

H 2

idem